



Broj: 07-33-sl./23

Ilijaš, 06.12.2023. godine

**KANTON SARAJEVO  
SKUPŠTINA KANTONA SARAJEVO  
Ul. Reisa Džemaludina Čauševića 1  
71 000 Sarajevo**

N/r Elvedin Okerić, predsjedavajući Skupštine  
Fax: 033/562-210

**Predmet:** Očitovanje na inicijativu Admele Hodžić, Samostalne zastupnice  
u Skupštini Kantona Sarajevo (veza vaš akt broj: 01-04-46892/23  
od 15.11.2023. godine), **dostavlja se,**

Poštovani,

Općina Ilijaš je 22.11.2023. godine zaprimila zastupničku inicijativu sa Jedanaeste radne sjednice Skupštine Kantona Sarajevo održane 15.11.2023. godine, koju je uputila Admela Hodžić Samostalna zastupnica u Skupštini Kantona Sarajevo. Inicijativa je Općini Ilijaš dostavljena od strane Skupštine Kantona Sarajevo sa zahtjevom da Općine Ilijaš navedenu inicijativu tretira u okviru svojih nadležnosti i o učinjenom u pisanom obliku obavijesti Skupštinu Kantona Sarajevo.

Općina Ilijaš u potpunosti podržava inicijativu o reorganizaciji sistema zdravstvene zaštite u Kantonu Sarajevo, prije svega primarnog i sekundarnog nivoa zdravstvene zaštite, te njihovo usklađivanje sa Zakonom o zdravstvenoj zaštiti FBiH ("Službene novine Federacije BiH", broj: 46/10 i 75/13).

Smatramo da bi dencentralizacijom Domova zdravlja i prenosom nadležnosti na Općine, lokalna zajednica imala veći uticaj na kreiranje zdravstve politike i zdravstvene zaštite, što bi u konačnici rezultiralo boljom i pristupačnijom uslugom za stanovništvo. Prema Zakonu o zdravstvenoj zaštiti FBiH ("Službene novine Federacije BiH", broj: 4/10 i 75/13), član 53. stav 5. "Općina može biti osnivač doma zdravlja, ustanove za zdravstvenu njegu u kući i apoteke".

Posebno je potrebno izvršiti reorganizaciju Specijalističko-konsultativne djelatnosti koja je trenutno organizovana u okviru JU "Dom zdravlja Kantona Sarajevo", a koja je u suprotnosti sa odredbama člana 39. Zakona o zdravstvenoj zaštiti FBiH ("Službene novine Federacije BiH", broj: 4/10 i 75/13), kojim je propisano:

"(1) Specijalističko-konsultativna zdravstvena djelatnost na sekundarnom nivou zdravstvene zaštite predstavlja dio zdravstvene djelatnosti koja kroz pružanje vanbolničkih usluga osigurava podršku primarnoj i bolničkoj zdravstvenoj djelatnosti, s ciljem povećanja stepena rješavanja zdravstvenih problema pacijenata i racionalnijeg korištenja resursa u zdravstvu.

(2) Specijalističko-konsultativnu djelatnost iz stava 1. ovog člana osigurava bolnica.

(3) S ciljem osiguranja potrebne dostupnosti zdravstvene zaštite, specijalističko-konsultativna djelatnost iz opće interne medicine, opće hirurgije, neurologije,

otorinolaringologije, oftalmologije, ortopedije, dermatologije i radiološke dijagnostike primarnog nivoa organizira se tako da je korisnicima dostupna u općini njihovog prebivališta u skladu sa propisom kojim se utvrđuje osnovni paket zdravstvenih prava (u daljnjem tekstu: osnovni paket zdravstvenih prava).

(4) Ukoliko nisu osigurane službe u zajednici iz člana 84. stav 3. ovog zakona, djelatnost službi u zajednici osigurava se putem rada specijalističko-konsultativne djelatnosti, tako da je korisnicima dostupna u općini njihovog prebivališta.

(5) Dostupnost ostalih specijalističko-konsultativnih djelatnosti osigurava se u prostoru bolničkih zdravstvenih ustanova u skladu sa osnovnim paketom zdravstvenih prava."

Općina Ilijaš, daje punu podršku inicijativama koje unaprijeđuju dostupnost zdravstvenih usluga i donose dobrobit građanima Općine Ilijaš što cijenimo da i ova jeste.

Zahvaljujemo Vam se na upućenoj inicijativi.

S poštovanjem,



O [REDACTED] K  
Akif Fazlić, dipl.ecc.

Dostavljeno:

- naslov
- a/a

\*\*\*\*\*

Ul. 126. ilijaške brigade br. 6, 71380 Ilijaš  
Tel. Fax: ++387 33 580-690,  
Transakcijski račun kod Raiffeisen BANK d.d. Sarajevo 1610000091470429  
e-mail [drustvenedjelatnosti@ilijas.ba](mailto:drustvenedjelatnosti@ilijas.ba)



Broj certifikata: HR008740